庫全書

子部

欽定四庫全書子部

南華真經義海寨微卷八十四至

詳校官監察御史臣印庭澍

檢計臣何思釣覆勘 總校官無吉士臣倉聖於

校對官中書臣嵇承志 腾録貢生 臣秦聯登

且與世違而心不屑與之俱是陸沉者也是其市南宜 雅篇則陽第四 , 東其隣有夫妻臣妄登極者 りかり見え多人、 無窮其口雖言其心未皆言 仲尼口是聖人僕也自埋於 褚伯秀 撰

金足匹人全世 乎而何以為存子路往視之其室虚矣 人也夫若然者其於後人也羞聞其言而光親見其身 知丘之通楚以丘為必使楚王名已也彼且以丘為佞 僚耶子路請往名之孔子曰已矣彼知丘之著於已也 異人中隱者譬無水而沉著明也何以為存不如舍 謂損名其志無窮規長生也所言者世言而心與世 郭註埋於民同也藏畔謂進不榮華退不枯楊聲消 之以從其志其室虚果逃去也 卷八十四

くこう... 為事則似佞也然而皆人為宜僚則横目之民雜與 知猶處陸而沉者以孔子之迹言之栖栖然以天下 而不屑與將欲通世而去也以聖德遊人間而人莫 之外口雖言而未嘗言欲無言而不能無言與世達 聖人僕理德而僕者埋於民則不為可見之行藏於 救聖人之道將墜地而不傳也昔微生畝害以孔 畔則不居中正之德聲消志無窮退藏於密而遊方 吕註見孔子來而登極者示不與之接将徒而之高 南海·聖·文子·

為倭孔子答以非敢令於宜僚則自謂為倭人以明 眾多理於民與民同藏於畔不見境聲消損名志無 所貴者在此而栖栖者非得已也 窮志於道也無意於言聊以應物心與世達外與人同 疑獨註蟻丘地名賣漿水之家登極升高而望機機 此有以見夫子與民同患宜僚離人入天者也 於孔子宜僚以非聖人之迹其室虚謂不見其迹於 耳聖人太陰在陸而沉隱於壓市者似之莊子寫言

碧虚註登極者昇屋棟而觀孔子執僕御之事師聖 属齊口義極屋棟僕猶徒埋隱畔隣也藏居比隣而 為存言汝何緣留得此人也 消而志畅言出而心忘不屑與世俱處陸而若沉也 **園人無識者自藏於畔如長沮桀渦晦耕朧畔故聲** 孔子度宜僚之不見已猶嚴僖之恥見許由而許 人不見作知聲消逃名在陸而沉喻隱於鄭市若猶 人者也猶與桑楚為老明役自理於民如列子居鄭 ひょうこうき シストルモ 以

欽定匹庫全書 知倭多言何以為存必去而不留也 義化天下使之屈折禮樂而失怕偷之性彼隱德 內足而無求於外故也今夫子遑遑思聘欲以仁 然而聖人愛人無已不問已之窮達當以東濟天 古者風俗淳厚民至老死不相往來各安其素分 其為聖人僕役而未升堂與是亦逃名求志者必 下為心與彼陸沉獨善者不可同日而語夫子知 潛耀之君子宜其徒而之高唯恐去之之不速也

昔子為禾耕而鹵养之則其實鹵养而報予去而減裂 之其實亦減裂而報予予來年變齊深耕而热擬之其 長梧封人問子牢曰君為政馬勿鹵恭治民馬勿滅裂 市南熊宜僚也聖人知人之審若此子路欲名之 沉獨善者處身以監亦隨其見地各從所好而已 之至則行矣於此尤足以彰夫子先知之明而陸 而夫子知其必不至其室虚即語云使子路反見

人へ)りられたら

南華真經義海察故

以扶吾形尋雅吾性並潰漏發不擇所出瘭疽疥癬 神以衆為故鹵恭其性欲惡之孽為性在華策設始 其心多有似封人之所謂過其天離其性滅其情亡 禾繁以滋予終年厭餐莊子聞之曰今人之治其形 内熟沒膏是也 為之至也大通離滅亡以衆為之所致若各至其極 郭註鹵养減裂謂輕脫末累不盡其分功盡其分無 則有何患在葦害黍殺欲惡傷正性形扶疎則神氣 萌

A CITE

大己司三八年 明 該扶吾形尋雅吾性天理減矣於是時而欲治之可 甚矣其安易持未兆易謀內之欲惡為崔華外之兼 傷以欲惡引性不至於當此鹵莽之報也 疑獨註為政治民而鹵养減裂則缺界而無成功封 得乎並潰滿發已下皆欲惡為孽奪其真之所為也 乃通天離性滅神亡情以聚為而不知止則鹵茶之 吕註為道日損以至無為是所以治形理心者也而 推己治田之事亦然明年逐變所用之法而深耕 南雅真經義海暴做

則尋雅吾性性失欲熾精氣潰漏不擇所出遂成標 疽疥癬內熟洩膏之病至於神去形遷而後已此治 充風及其熾而不節則害性故必制於始萌之初否 形而長及其已盛則害苗欲惡之情始動形亦隨而 治形理心亦如之通天逃其自然故離性滅神亡情 熟擾其未繁滋終年厭餐用力多則報亦侈也人之 性鹵莽之報也沒膏即便濁之病 以狗衆人之所為動之死地者也兼葭始萌扶苗之

属齊口義封人因耕喻政莊子又以喻學東坡樣說 身是人欲以人欲扶其形則動失自然之理拔去真 做此變齊易其耕法好惡之性猶在華即茅塞其心 擇所出觸則成病此段成人縱欲者必殺身也 性而天理滅矣失氣亦病有並潰氣者有渦發者不 之義性厳塞則欲自長如蒹葭始的充滿其身言通 變齊舊音去聲耕法也司馬如字謂變其耕法不 與人齊一云變齊國之耕法碧虚引說文未奏吐

毅定匹庫全書 異在章之害苗兼良即在章之初生始則扶苗同 神而不悟皆溺於衆人所為故也欲惡之害性無 量也鹵莽之人不盡耕耘之齊量故其實亦鹵莽 穗上平日齊審詳經意去聲為當與分劑同謂限 長終則過威而害苗欲惡抜性而失真則形驅潰 越子自然唯其逃自然所以離真性以至減情亡 今 要昔日之齊量而盡其功力是以未繁而厭餐 以此為治形理心之喻可謂切當人心天性皆不

所争窮困人之身使無休時欲無至此得乎古之君人 後親所病質財聚然後親所争今立人之所病聚人之 也又請之老明日汝将何始日始於齊至齊見辜人馬 柏矩學於老明曰請之天下遊老明曰已矣天下猶是 下有大萬子獨先離之曰莫為盗莫為殺人榮辱立然 而强之解朝服而幕之號天而哭之曰子乎子乎天 獨所向成疾必至澌<u>盡而後</u>已此治形鹵养之報 也可不戒哉

谁責而可乎 不至民知力竭則以偽繼之日出多偽士民安取不偽 不識大為難而罪不敢重為任而罰不勝遠其途而詠 者以得為在民以失為在已以正為在民以在為在已 夫力不足則偽知不足則欺財不足則盗盗竊之行於 故一形有失其形者退而自責令則不然匿為物而愚 郭註殺人大當謂已下事大為既有則雖戒以莫為 其可得予各自得則無榮辱得失紛紅故樂辱立而

敏定 四庫全書

欽定四車全書 ~ 吕註矩盖當有位者解朝服而恭之致其哀於之意 罰也主日與偽士於何許得其真子 皆勝適其足力則皆至民力竭則以偽繼將以避誅 失皆由人君撓之以至斯忠及其性匿也用其性顋 則民自得君莫之枉則民自正夫物之形性何為而 也為物所顧則皆識為物所易則皆敢輕其所任則 **夸政生奔馳乎夸政之間非病而何若以知足為富** 將何争乎上有所好則下不能安其本分君莫之失 南華真經義海暴微

敢罰不勝以不至具乎先王之宥不識而於不能者 矣民知力竭不得不以偽繼之上出多偽而欲不下 之辜一形有失其形退而自責也今則愚不識罪不 殺不抵於死豈可得也湯武以萬方有罪在予一人 忘榮辱則民親所病不能輕貨財則民親所争今立 以得為在民失為在已也伊尹以一夫不獲日時予 明至此者已回嘗有罪馬故不嫌於訓在上者不能 入所病而使之病聚人所争而使之争欲其不為盗 をハーい 改定回長公与 南本兵經長海暴級 無死不可得也以得為在民至退而自責言古之人 唇故人不知所病不畜貨財故人不知所争令之人 事榮辱貨財窮困人之身等是也上古之時不競祭 疑獨註大道日散許偽日起生民受災自此始矣汝 為不可得也 聚人所争之本又重飲以因窮之徭役不得息雖欲 君立子禁辱之上處子貨財之中是名人所病之端 何罪而先惟此莫為盗乎莫為殺人乎後言大災之

碧虚註以家觀家以國觀國則天下猶是也至齊見 哉 偽上之人不能反本而區區於其末将何以收止之 緣人情而逆為之計民知力竭而不可為故繼之以 罪人戮死幕以朝服而哭之古禮也傷其行政之失 隱物匿而以不識者為愚後文可以類曉凡此皆不 君愛民及身之道今則不然下四句指時君之政為 而至此盖由崇辱立貨財聚珠戮之灾已成粮寇之

鬳齊口義莫為者得非為盗為殺人乎榮辱名貨財 然後有所争失得正在兩句即百姓有過在子一人 清在澄源耳 達戾委繁劇而罰庸才展驛程而誅鈍弱民之知力 利病患害也在上者好名然後有此害為國好聚財 已竭則思欺君問上矣上既失民直從其化欲流之 下王則及古之道矣藏典法而愚點首設不便而罪 争入满欲脱大禍可得乎老子云受國不祥是為天 南華上亞 人在文文

事而以不敢者為罪重為任不量人之力遠其塗不 溝中匿其物而不言反以不知者為愚大為難行之 必為盗以輸之是上使之為偽為欺為盗也又谁責 計人之程强其力所不能必以偽應之過取無厭 物有失其形退而自責即匹夫不被澤若已納之 罪人戮死在道則當時諸國政化可知暴朝服而 **柏矩請之天下遊夫子欲來桴浮海之意至齊見** 卷八十四 災而性命慘傷莫大於戮死汝獨何為先權之莫 哭哀矜之至也世間凍餒疾厄縲絏丧憂皆謂之 争其來已久禍其可免乎此語有幾及時政之意 為益乎莫為殺人乎何為而至此極也不得非榮 所以治成而化治今則不然已下直指時政之失 次叙古之君天下者心存愛育唯恐一夫之失所 唇質財之名病於争而至是乎立人所病聚人所 言之者無罪聞之足以戒也結以於雜責而可乎 南在王里 电每京致

金丘匹石全書 雨華真經義海纂徵卷八十四 見薦齊註 用豈不盡善盡美哉 信能節已之養而去病絕争民化其德而刑指不 又有嗟嘆不足之意凱有位君子反躬而加察馬 **卷八十四** 形當是一物傳寫之誤

.J. 1- ... X. ... 1 h 知而莫知恃其知之所不知而後知可不謂大疑乎已 蘧伯玉行年六十而六十化未嘗不始於是之而卒詘之 生而莫見其根有乎出而莫見其門人皆尊其知之所 欽定四庫全書 非也未知今之所謂是之非五十九非也萬物有乎 南華真經義海篡微卷八十五 雜篇則陽第四 旬年是里 人名克及 宋 褚伯秀 撰

乎已乎且無所逃此所謂然與然乎 多足匹匠全書 用彼則寄身無地自謂然者天下未之然也 恃物以知而自尊其知則無不然非大疑而何不能 無生無出者能親其門而測其根我所不知物有知 然也情變未始有極無根無門忽爾自然故英見唯 吕註伯玉行年六十而六十化未嘗不始是而卒詘 郭註化謂順世而不係於彼我順物而暢物情之變 之者用物之知無所不知獨任我知其知寡矣今不 各八十五

所不知則常恐其虚而莫之恃每至望崖而反其為 物之所由生出也而人皆尊其知之所知至其知之 是者固未定义安知今之所是五十九非也夫物生 果然耶使人忘言以契之 可與有而其身之不能容也雖今所言為然未知其 疑也豈不大哉也乎也乎且無所逃言若此者終不 而英見其根出而英見其門則知之所不知者乃萬 之以非與孔子同然知或未止乎其所不知則所謂

多定匹庫全書 然是非之所以起各任其然則當矣 舍之心萬物於造化無可逃之理我以為然彼或不 知尊其聖可不謂大疑乎已乎已子言不如止其取 所知智者之事知所不知聖人之事知尊其智而不 出之門即玄北門二者皆本於谷神其源一也知之 謂是非五十九年前之非也物生之根即天地根物 遷伯玉能順化日新未嘗不始是而卒非未知今之 疑獨註夫人自幼至老新故相代處造化中不覺其

未是知其是之未是惟真之是者無非故至是無非 是卒非之嘆五十九固令之是令若悟非乃知昔之 也求体於我者也世之去非者非去那曲也去怀於 碧虚註化化不停交臂已失世之求是者非求道理 至非無是大虚無恍惚至道之根淡泊寂寞泉妙之 門此萬物之所生出也人之所知出乎不知因其不 心者也体我者未必真是忤我者未必真非故有始 知而後知也不明此者宣不大疑乎世事紀紛日新 到海一里良每一公飲

金定四片全書 安知六十歲之是便為是那物生必有根其出必有 腐齊口義年六十而六十化一年之見勝一年也又 也 而謂之然則衆謂之不然者亦多矣然乎言未必然 其變知與不知莫如止也所知者人事不知者天理 門但人不見此是其不可知者凡人知其所知而不 知其所不知以為至矣此大感也無所逃謂自然而 人事有為是非莫逃天理無為安逃哉若以已所知 卷八十五

然不知之知通古今徹上下何處無此理如何逃得 與乎皆疑群 今之所謂是非五十九年之非也此言物變無窮 年更事既久庶乎是非可定物理可明然猶未知 物暗易而不知未嘗不始是而卒非也及耳順之 六十化謂人處世間其形容知識能解事為被造 明有所易謂之變暗有所易謂之化行年六十而 聚無窮人心之變亦無窮三者交相化而古今 与在 以里 史每底改

多好四库全書 若蛟蛇野馬之過不知其幾而吾之至靈貞常者 成馬得失著馬事融理定是非乃審然猶未知後 其所不知則萬物之根門可親矣其生死出入理 以為己能而不知恃其所不知而後能知信能知 生死出入有根有門而人不見者皆知尊其所知 固未當變也人而知此死不足以動其心矣物之 世之公論何如也人関人而成世事更事而成化 之常然化與不化與之俱化則亦何感之有盖人 **卷八十五** 欽定四庫全書 靈公者何邪大致曰是因是也伯常獨曰靈公有妻 三 樂不聽國家之政田獵畢弋不應諸侯之際其所以為 仲尼問於太史大改伯常審稀幸曰大衛靈公飲酒就 為化 皆有不可指定之解乃其不可致結之妙此所以 所言以為是者亦未知其信然否也凡聖賢論化 亦不能盡夫知能又豈能逃乎物化哉雖然吾今 生所知所能特其不知不能中萬分之一耳聖人 南華真經義海篡微

李而埋之大靈公之為靈也久矣之二人何足以識之 之數仍得石鄉馬洗而視之有銘馬曰不馬其子靈公 人同濫而浴史鮪奉御而進所持幣而扶異其慢若彼 曰夫靈公也死下葬於故墓不吉下葬於沙丘而吉掘 之甚也見賢人若此其肅也是其所以為靈公也稀幸 也幣者奉御之物欲以肅賢補其私慢靈有二義亦 而奉御之勞将幣而扶異使不得終禮此所謂肅賢 郭註靈即無道之諡男女同浴此無禮也以觸為賢

致定四庫全書 疑獨註是三人皆為太史官故仲尼問之靈公飲酒 吕註大改伯常審則以人論之稀幸則以天論之以 於自然也 為者不得不為所不為者不可得為而愚者以為為 奪汝處也夫物皆先有其命故來事可知是以凡所 天論則雖名諡固非人之所能為也 之在已不亦妄乎徒識已然之見事未知已然之出 可謂善故仲尼問馬子謂蒯膭言不憑其子靈公将 南華真經表海茶做 ボ

碧虚註諡法亂而不損曰靈又德之精明曰靈其靈 為靈也久矣彼二人何足以知此 務曰公與三妻同浴史鮹奉御而進使之搏幣扶其 因是也言靈即無道之諡諡法亂而不損曰靈伯常 港樂亡也田獵畢弋荒也得盜為靈何那大改曰是 不可愚此地本屬靈公之父反為其子得之則公之 而出以其能敬質所以諡畫也稀幸曰公死卜葬沙 掘得石都銘曰不憑其子靈公奪而理之言天理

識之哉 當其惡也奉御猶今言名對搏執發見之幣公使人 属齊口義衛君所為如此諡之為靈何那言未足以 素定諡自符合若以俗情料方外幽冥之理何足以 扶翼之言有禮也沙丘古人葬處石柳先有靈公之 此地為靈公所得也 名則生前已定人何力馬不憑其子言子孫不可託 靈之為諡可善可惡故夫子問於三人大改答以 あること里していましたうへ

多定匹库全書 審曰公與三妻同浴無禮孰甚馬及賢臣奉御而 唯其如此所以如此則靈為無道之諡明矣伯常 昭然靈公之諡其符千載其所謂靈也久矣彼二 靈幾可以善言矣稀韋四公卜葬而得石都之銘 欲熾然之中天理一毫之善未至全泯則其謂之 進使人搏略扶異而出之幣謂奉御衣物是於人 定至於名諡亦豈偶然但當盡人事以應天理 人何足以知之義同處父之柳滕公住城莫非前

哉三人各一答首言其不道次言其敬賢後言天 脩然順化使人無得以議其否豈不混成盡美善 耳 日靈古之人主不善終者有靈若厲之號至於達 法始於周公以一字示褒貶亦嚴矣哉不勤成名 諡號美惡則係乎生前之所為在人不可不謹諡 理一定以迹論之不無優劣率不逃天理之一定 人大觀善惡兩忘去求見在等無滞迹無爵無諡 **りをしましたまちた女**

合并而為公是以自外入者有主而不執由中出者有 之馬也是故丘山積平而為高江河合水而為大大人 合十姓百名以為風俗也合異以為同散同以為異今 多定匹庫全書 改國治文武大人不賜故德備萬物殊理道不私故 正而不距四時殊氣天不賜故歲成五官殊職君不私 指馬之百體而不得馬而係馬於前者立其百體而 少知問於太公調曰何謂丘里之言太公調曰丘里者 無名無名故無為無為而無不為時有終始世有變

化禍福淳淳至有所拂者而有所宜自殉殊面有所正 矣乃將得比哉則若以斯辯譬猶狗馬其不及遠矣 者也道者為之公因其大以號而讀之則可也已有之 然今計物之数不止於萬而期日萬物者以數之多者 者有所差比於大澤百材皆度觀乎大山木石同壇此 號而讀之也是故天地者形之大者也陰陽者氣之大 之謂丘里之言少知曰然則謂之道足乎太公調曰不 郭註大人無私於天下天下之風一也自外入者大 南華真經義海暴做

次定四重全事 一

或宜正於此或差於彼各信所施不能離也比于大 自為故無不為時世有變無心者順之於此為於彼 闕矣豈惟文武能凡性皆然名止於實故無為實各 自文武者自武非大人所自賜若有由賜則有時而 **革異也殊氣自有故能常有若本無而天賜則有時** 而廢矣殊職自有其才故任之耳非私而與之文者 至公故主無所執所以能合丘里并天下一萬物夷 人之化由中出者民物之性性得正故民無違心化 火之の車をある ! 知有數之物不止於萬沉無數之道謂道而足耶通 非馬指之不得馬立百體而謂之馬嚳大人不以其 吕註合姓名為丘里異為同也散丘里為姓名同為 乎無名無言之城而後至馬 得而北耶名之辯無不及遠矣故謂道猶未足必在 物無私強字曰道所謂道可道也名已有矣將無可 澤大山之無棄材合異以為同也言丘里則天下可 異也非如一家之言異不能合同不能散也百體莫 南非真經義海暴做

功 而無不編也天之於四時不因其同有而賜與之則 外入者有主於中而不執有萬而無所容也自我觀 物殊理其為不賜不私亦若是而已無私故無我無 而我有之則知有所不周而國不治矣文武殊才萬 之汎于其為萬物遊則由中出者有正而不距局行 以為大之至也故自物觀之萬物莫不備於我則自 大全觀之則所謂大者亦不可得比以丘山江河所 有所不備而歲不成矣君之於五官不付之衆為

者所以公之未始容心趨舍於其間比於大澤大林 變無停禍福無常有拂有宜善或為妖也物情各殉 我則莫有名之者無名故無為無為則無不為矣時 無不備觀乎大山木石無所分此之謂丘里之言道 本強名則謂之道不可以為足也凡物無窮萬不足 殊面不一有正有差正或為奇也物理不齊如此道 以盡其數而期以萬者以數之多者稱之天地形之 大陰陽氣之大道者為之公則非形非氣故無名也 南海▲"里·克多惠及

金定匹戶全書 名不足以盡道而名之曰道亦以其大者稱之本無 **積早江河合流以喻大人合併天下以為公唯其公** 馬立馬百體而謂之馬散合為異合異為同也丘山 疑獨註十家為丘二十家為里丘里者合十姓百名 名而以名稱之則已有矣乃將得於無名者比哉者 同以為異則道愈離而物愈非矣指馬百體而不得 以為風俗而不知合併天下以為公合異以為同散 以謂之道者為道是猶認狗以為馬也 &八十五.

1. 1. 1. 1. 1. 1. 1. 1. 正 者外有正而不距不距則能行是以不私而天下 者或以為宜殊面異向也正者或以為差各執所 则 故德備而無名不賜則自成蒙澤而不謝不私則 君不私故國治以至文武殊任萬物殊理君道不私 不 也故自外入者中有主而不執不執則能通由中出 物各自為而無所不為矣時世有變禍福倚伏 功成而無報也大道無私於物故無名無為無為 賜而萬物成四時氣殊天不賜故歲成五官職殊 7 **到华底坚養多家政** 1 拂 自

碧虚註周禮四井為邑四邑為丘五家為鄰五鄰為 陰陽形氣之大者道為之公皆因其大而號之也若 里之俗為十姓百名之異亦猶離馬之百體曰頭尾 里合十姓百名之異為一丘一里之俗或散一丘一 以為同而未離乎有形有數是之謂丘里之言天地 也比于大澤異材而同用大山異植而同壇此合異 此者已有矣其小大贵賤乃将得比之哉 眼耳合其頭尾眼耳總曰馬也此即公孫龍離堅白

金定匹库全書

卷八十五

旅為之道無所為故能無不為也冬春之代謝皇王 私故無名也物物自名非道強名之物物自為非道 為公分之則楚越有異并之則風化一同亦無異乎 大人任之而不賜故德業備動植理殊道生之而不 功成工虞職殊君委之而不私故天下治文武材殊 丘里之合散也外入者事中有主則事不滞中出者 合同異之青山積泉石河合百川大人合并郡國以 理外不邪則理自遠炎凉氣殊天任之而不賜故歲

えこり ころう

南華具經長海篡改

全クレムとこ 庸齊口義聚升為丘聚丘為里里中十姓百名人物 雖異風俗則同合異為问之喻丘里之言者公一里 帝之先大道合并形氣而為公強名曰大字之曰道 既曰大道已有之矣安得與未始出其宗者比哉 而號之曰萬若物止於萬則道亦有極何足以稱象 丘里之言亦若是而已大道無極物亦無窮今據多 采材大小皆中法度大山木石精粗皆同一壇所謂 之澆淳於此為禍為戾於彼或為福為宜比乎大澤

各一 之不同有所正則拘執及或失之譬大山大澤木石 或有所拂而為宜塞翁失馬之類人自殉之心如 卤 合之以為公故無得而名也淳淳流行貌倚伏無常 不 執執則非自然正者萬物之理出乎胃中其理與物 之言也合其以為同萬物同一理散同以為異萬物 馬也合并以為公合萬物之異以為同也有主而不 相距則無同異矣不賜不以為功萬物殊理大道 理合百體以為馬體上無馬名立其百體謂之

久之日東 山土日 W

尚非真經義海集微

金グレルとこ 雖已有道之名豈可以此相比哉 形氣為天地陰陽道者為之公皆以其大者言之耳 之材皆中度可用合異以為同也稱物数而為萬總 論如所謂月旦評及各有里諺流傳以記其風土 事物是謂丘里之言合異以為同也共出丘里而 凡一丘一里之間必有年德之尊者考衆情而立 有少長野愚貧富得失之不齊同而異也天下之 大起於丘里道之大質於事物散同而為異猶指

則有合散宾之則歸混同理有至極不可容聲矣 馬之百體合異以為同立百體而謂之馬也言之 歸姓安得而辭哉故自外入者學也君子之學主 乎公之一字而已道經云公乃王王則天下之所 能合丘里而得宜則合天下之物情亦猶是也在 丘山積早江河合水大人合公亦不外手此理盖 思正乎理正乎理則物無所距猶四時殊氣而成 乎道主乎道則物無不通由中出者思也君子之 りをしとと又好ん文

欽定匹庫全書 歲五官殊職而成治總歸乎大人之德備以開大 無不為此理之必至然而時有變遷機有倚伏有 道之無私又惡可得而名馬無名故無為無為而 異而同也大山之木石散而為天下之用同而異 故不免於殊向譬大澤之百材合而為匠石之用 以所拂而宜者有以所正而差者皆由自殉已情 名不足以盡道物數稱萬不足以盡物各以其大 也若真理而歸於道復何同異之辯哉夫道之為

.... 當究問也 者言之耳形之大者天地統之氣之大者陰陽統 名故天下莫得而名也是章類齊物論之談有無 之名則不可與無名者比所以至人之道行乎無 之道又以統天地陰陽其大記可量乎然既有道 愈奇製名寓意謂至公而能和天下則少知者所 生死此則頗關治道又翻出丘里之言一段立說 南雄真照養海蔡故

南華真經義治		-		多 定 匹 库 全 書
南華真經義海篆微卷八十五				表入十五

少知日四方之内六合之妻萬物之所生惡起太公調 欽定四庫全書 急相摩聚散以成此名實之可紀精之可志也隨序之 於是橋起雌雄片合於是庸有安危相易禍福相生緩 日陰陽相照相蓋相治四時相代相生相殺欲惡去就 南華真經義海纂微卷八十六 雜篇則陽第五 宋 褚伯秀 撰

家之識孰正於其情孰偏於其理太公調曰點鳴狗吹 是人所知雖有大知不能以言讀其所自化又不能意 盡知之所至極物而已超道之人不隨其所廢不原 飲定四庫全書 使莫之為未免於物而終以為過或使則實莫為則虚 其所將為斯而析之精至於無倫大至於不可圍或之 有名有實是物之居無名無實在物之虚可言可意言 起此議之所止少知日季真之莫為接子之或使二 理橋運之相使窮則反終則始此物之所有言之所 各八十六

為言之本也與物終始道不可有有不可無道之為名 則終日言而盡道言而不足終日言而盡物道物之極 所假而行或使莫為在物一曲夫胡為於大方言而足 之末其來無止無窮無止言之無也與物同理或使莫 親或之使莫之為疑之所假吾親之本其往無窮吾求 言點不足以載非言非點議其有極 而愈疏未生不可忌已死不可阻死生非遠也理不可 註問物之所起或謂道能生之此皆自爾而無所

敏定匹庫全書 言莫為之言當也至精至大皆不為而自爾物有相 英為而過去實自使之無使之者居指物之所在物 使亦自阉也故莫之為者木為非物凡物云云皆由 也或使者有使物之功物有自然非為所能由斯而 無所原隨此議之所止或謂道莫為也或謂道或使 非無能有之物表無所復有故言知不過極物廢起 相代過此已往止於自然其相理相使皆物之所有 生凡此事故云為趙舍近起於陰陽之相照四時之

シシアの車全書 自生吾不能禁忽然自死吾不能違近在身中猶莫 爾非言默所議也 可知求道於言意之表則足不能忘言而存意則不 知言無窮然後與物同理常不為而自然道不能自 見其自爾而欲憂之此二者世之所疑物理所窮故 之所在其實至虚求之於言意之表而後至馬突然 足道物之極常莫為而自爾不在言與不言極於自 有有者自然也物所由而行故假名曰道舉一隅便 南華真經義海篡微

欲惡去之乘之以行雄雌片合動静有常故有安危 升降消長相照相蓋相治也寒暑屈伸王相生尅相 致結者也先後相隨之謂序相理而未嘗亂也橋則 禍福聚散等事此名實之可紀而精之可志非不可 無物問萬物所生惡起所謂制乎虚者也日月往來 吕註少知聞謂之道則已有而不得與道比故疑於 乘之以行運則因之以濟相使而未嘗定也窮則 相生相殺也物生天地間隨陰陽四時而運是以

欽定四軍全書 可圍則無外或使莫為果安在耶此所以未免於物 所以鳴吠所自化所將為也精至無倫則無內大不 子或使原所起也鷄狗之鳴吹其所化所已為也其 六合之外置言知之所及哉季真莫為隨所廢也接 而起有名萬物之母是也若夫親道之人未嘗無物 之知所止極此而已此則萬物之所生起非所以生 終則始陰陽爾四時爾是物之所有非道之無也言 故不隨所廢未當有物故不原所起泊然無名出乎 南華真經義海暴微

終始而已惡親所謂無止無窮哉道不可有以其無 近在身而不可覩也或使莫為皆疑之所假而非理 所以言而愈疏也生死之不可却止則起乎言意雖 有也有不可無以其自無非我無之也然則道者假 之真往無窮則迎不見首來無止則隨不見後是物 不知其未嘗有以無名實為物之虚不知其未嘗無 以其不麗於實則麗於虚故也以有名實為物之居 理非物之形也或使莫為則可言可意不免於物

久已日上八六· 乎大道言而盡道布言自然也言而盡物多言數弱 有陰陽四時欲惡雌雄於是橋起安危禍福悉由之 言未嘗不言則非點也議至於此然後為極 極言點不足以載終身言未嘗言則非言也終身不 名安可以名為道莫為或使皆在物一曲何足以合 雨四時則相代以寒暑相生以春夏相殺以秋冬為 疑獨註陰陽則相照以日月相合以天地相治以風 也自物觀之則道非物自道觀之無物非道道物之 南华真經長海暴做

金クロノイ 則 知不能以言意求矣由是而推至於極大極細皆 矣鷄鳴犬吹人所共知其所以鳴吹有将為者雖大 知所能至極物而已親道之人則見於形氣之表豈 以至於相理相使與大窮反終始者皆物之所有言 留意於物而推廢起之由哉此議之所止也莫為 自然天也或使則使然人也和同天下則非 力所能為也莫為則知天不知人或使則知人 天滞物一偏終以為過虚實有無之名相因而生 一曲 不 非-

生順乎性命孰能禁阻此理非遠在吾身中如四時 所像故盡道言而不足者反此不若非言非黙而道 循環而不可觀則或使莫為之說疑其為假而非性 而未至於大方況欲語道之無方乎言而足者內無 終始非有非無出於強明則或使莫為皆在物一曲 來也無止言道之無則與物同理言道之有則與物 命之至吾觀夫後命之本其往也無窮出生之未其 可言意則愈疎不若求之於言意之表也大人之死

たとりにいます

南華真經義海暴做

金ノロとと 碧虚註少知問世間萬物之所生起太公告以陰陽 使物窮則反事始則終禪言竭知止極事物之粗莫 有精微可志自天地至於萬物亦皆隨次序相理相 同 雄片合橋起高勁貌事有安危禍福緩急聚散之不 物两得之也 能窺道之藩籬也唯覩道之人不隨物之廢起而任 四時照至作治生殺之理人民欲惡去就禽獸之雌 而相易相生相學相成之不一外有名稱可紀內

.). 1> ..)... 謂其莫為耶何緣而忽鳴吹謂其或使耶他物何為 如事業何道之或使也其如自然何當物之情孰偏 物之芸芸我則括囊全生而已又問道之真為也其 寂然自化之理孰知將為之情孰識唯置其莫為者 孰正答以鷄鳴狗吠是人所知而莫知其所以鳴吹 理推此而論雖至大極細皆不免於莫逃乎累夫物 則可以察或使之情任其或使者則可以審莫為之 颊者名與質名實長則物何有唯妙道至理不涉 口作气里之少於处

多定匹库全書 教則不能超物故與之終始有無二理皆借妙本而 吾觀道之本未空家恍惚不可随迎論其無躬無止 則自全達者左右逢原迷者疑心未釋假道而行耳 思議氣來則生氣散則死方生復死方死條生可謂 亦與動植無二世以有用無為為言教之本既形言 近矣而理不可親在於冥悟而已或使則利人莫為 家有無皆貫事理兼明為言而足言而足則道無遺 行季真之無接子之有皆一由之論見笑於大方之 **多八十六**

隨時代謝然後有欲惡去就安危禍福等事同中之 為齊口義照猶應盖猶合相治相消長也春生秋殺 言言去其然然後與會忘言之機目擊泉妙之極 矣道之極也然不能然物之極也言不能言者雜其 異者橋拱而起片即判也自欲惡已下其名實精微 運相為消長故曰使窮通終始物之必然言知之至 件件可見可書也随序之相理即陰陽相治橋起而 矣有無偏執事理互陳為言不足言不足則物無逃 **与库气里克每季发**

多定匹庫全書 鷄鳴狗吠喻人所知不同雖有大知不能盡其言意 是虚也有實則有名為累調無則名實俱泯然所 所自化所將為若以此理分析細大理不可窮已皆 極此而已唯知道之人於所以發起者皆歸之自然 道遠矣未生不容不生當死豈可違阻此理近在目 無者終在亦累於物日有日無皆可以言傳意度去 累於物終以為過謂有物司之是實也謂本無所主 故言議至此而止莫為言事皆偶然或使有主之者

前而不可親以為或使又以為莫為世之疑情假此 名二者之論泥於一偏安得合乎大道我有真見終 有何可得而無之若以真實而觀道之一字亦是假 而止之時觀之見方來者無止但民於無方可合萬物 而起即本始未動之時觀之見其往者無窮即既動 也物租也若要其極言點皆不足以盡非言非默之 日言亦無妨若無真見雖多言而不離於形似道精 而同一體或使莫為皆未離於物與之終始不免於 南非真理義海察数

金女匹广生言 舉心塵汝勞先起亦此意 中自有至極之議釋氏所謂我按指海印發之似汝 實無遺於是隨次序以相理而君臣父子之義明 憑虚運以相使而窮反終始之機者故其言知所 至聚散八者又自然而生其迹愈粗歷數人據紀 皆出於天人萬物之交化而本於道之緒餘安危 起憑虚而起庸有用是而有言事或無因或有因 天有陰陽四時人有欲惡去就物有雌雄判合橋

自化哉以此理析之凡至小極大或使其為皆不 亦不立然則何所容其擬議哉季真接子當時有 道之士則不隨物所廢不原物所起首尾既忘中 離於物其免乎悉或使有由然則實也其為雖虚 此二家之論各執一偏猶楊墨之為我兼愛以其 至極物而止此治世之論方內事也若夫方外觀 不知所以鳴吹則吾於二子之論又安能知其所 不合乎道故以鷄鳴狗吹鄙之人皆知其鳴吹而

南華具經義海暴做

金らしてんなきる 使之那然則有為之者有使之者嗚吠為風氣所 使生死為大塊所使四時日星天海皆有真宰司 奔運天行健而不息海虚吸而有信莫之為耶或 有名則實係之未得為全無也昔之語道者必離 合東西南北即中也前觀夫四時之往來日星之 四句謂有無非有非無亦有亦無離此即是道猶 阻 之但為於無為使於無使目人之生死去來不可 此理近在身中而不可親其議亦然觀其本而

有無假有無以行無所往而非適若李真接子者 各殉一曲豈可達乎大方言而足者得道之精言 此理而已若泥於或使莫為則有言有名之所自 者往古來今而不息非獨我也何可勝言與物同 不通何由造虚玄之妙道處有無之間而不著於 起與物終始而無已也道不可有有之則室滞而 往者無窮觀其末而來者無止則知受役於造化 而不足者得道之粗言一也而有道物之分若究

|次定四車全書 | 南海真經義海暴做

盖以道濟物出乎惟慎之真民安有不化者世人 褚氏統論是篇自則陽王果起論稱山樊隱德以 默之表斯為道之極議也飲 治道多矣以其愛民無已故民愛之安之亦無已 鎮市朝奔競之風有以見至人善達物之綢繆使 往往殉物失已日遠舊都望之暢然則未至瓷盡 之歸乎恬暢是謂飲人以和而使人化者也裨益 其極物之虚即道也言點皆不足以戴唯超手言

當何如人之治身猶治國也心君正而五官理國 之可嫌封人論為承忌欲惡之為孽此皆示應世 習之隘陋所争之不足争也孔子舍蟻丘機有迹 君正而產輔賢非獨利於一時猶足以與日後之 猶思所以求復而能見所自見聞所自聞其析你 而舉兵遂引觸蠻為喻以眇當時好戰之君明所 之成歲功又何內天外人之辯哉次因齊魏敗盟 化如湯得三臣傅於前而有夫子繼其後若四時

炎定四車公書 ~

南華真經義海篆微

木石或同出而異用或異產而同歸不越乎形氣 合并為公萬物殊而道備猶大澤之百材大山之 夫丘里之言合散同異馬非百體立體得名大人 凡所為者不得不為造物有定葬託之於人耳若 又論治民化物之方靈公之為靈定葬於未然則 正物也遠暖隨年化恃知所不知用物之知也此 之分化而至理盡矣結以李真接子虚實皆為執 理身之要至於柏矩數辜人以失為在已正已以 人こりら こきち 真當而非言非默之可載道也明矣 而意得之道物之極議存馬則知可道可名之非 滞未免與物循環而已故必起乎言點之表心融 南華真經義海集微

南華真經義海纂微卷八十六			ニュノー・イノショー 夢へ十六
十六			 -

欽定四庫全世

南華真經義海纂微卷八十七至

校對官中書臣恭承志 總校官無吉士臣倉聖脈 腾绿貢生 臣秦辟登

檢討臣何思釣覆勘

詳校官監察御史日印庭尚

孝而孝未必爱故孝已憂而曾多悲木與木相摩則然 べいつい という 死於蜀藏其血三年而化為碧人親其不欲其子之 不可必故能達蘇比干戮其子狂惡來死樂紂亡 /忠而忠未必信故伍員流于江甚 南非真經長海篡故 褚伯秀 撰

甚多聚人焚和月固不勝火於是乎有债然而道盡 有霆水中有火乃焚大槐有甚憂兩陷而無所逃墜蜂 生しし 不得成心若懸於天地之間慰啓沈屯利害相摩生火 金與火相守則流陰陽錯行則天地大核於是乎有雷 大核所謂錯行尚不能忘形則隨所遭陷於憂樂左 必信孝未必愛是以至人無心應物唯變所適天地 郭註善惡所致俱不可必藏血化碧精誠之至忠未 右無宜也於之愈重則所在為難莫知所守故不得 巻八十七

臣子之忠孝而忠未必信孝未必爱欲臣子之忠孝在 外物非獨不可必於人亦不可必於己君親莫不欲 之皆至於不免為善惡而不近刑名則何必之有夫 以仁為可恃而必之惡來桀紂以不仁為可恃而必 吕註凡非性命之精皆外物也故不可必能逢比干 多累小而明則知分唯債然無於遺形自得乃盡也 内熱也遺利則和若利害存懷其和焚矣大而照則 成心若縣謂希政者為慰督則非清夷平暢生火謂 C. J. M. Ca. Land. Ca.

欽定匹庫全書 為光或出於所異或害於所同以至生火焚和而月 無相害金守火則流異類不能無相害陰陽錯行已 者是以至於死亡憂悲血化為碧忠誠之至而猶不 能必於欲忠之人豈不哀哉木相摩則然同類不能 不足以勝之也蓋大患有身安能無憂或係於所同 物而不可必況在人者乎伍員甚弘諸人必其在 下言其大寇無所逃於天地之間則震而為霆發而 已者也盖道未至於債然而盡雖在已所欲猶為外

焚槐之時雖清明之性如月不足以勝焚槐之火此 縣於天地之間慰督沈屯而不得解猶陰陽錯行天 者也以忠孝求知於君親在物者也外物雖不可必 必之理外物不可必主於命而言臣子之忠孝在己 疑獨註在已有義在物有命義有可修之道命無可 皆出於有心债然則縱心而至於無心道盡於此矣 地大核之時利害相摩水火甚多猶有雷有霆水火 或係於所具是為兩陷墜轉不能成其所欲為心若 うともというと

敏定匹庫全書 於命則不為陰陽所制無憂樂於自中世人必於外 水所以滅火乃出火而焚槐令之電火是也聖人至 通而風雨時唯其該而不通則雷霆奮擊水火焚槐 釋而失性也聖人陰陽因以統天地陰陽順則天地 火生火守金則爍金火不以所生而不焚金不以散 可必者君子修其在已以俟在天者而已木摩木則 已諸人是也非唯不見信愛卒至誅戮憂悲此其不 在已者不可不盡忠孝而不見知於君親者龍逢孝

是生火焚其和理而性不全矣月者天之陰火者人 **啓遇境則沈觸物則屯利害交於自中摩擊內熱則** 而不能逃也強蜂疑惑不能成事遂意則慰敢意則 物五行所以為之賊陰陽所以為之寇為憂樂所 碧虚註道安乎內事涉於外在我猶不可必况物外 斯道盡矣 之垂宜惟人欲惡之所名能债然忘形於利害之外 之陽人欲熾而天理虧月不勝火之謂也陰陽五行 南庄 心里是 多心人

多定匹庫全書 干不割心以忠為可必則伍員甚弘不遭戮矣此忠賢 **佞倖兩陷而不可逃也碧者憂之色心主血忠臣憂** 不免猶永之相摩龍逢逆紂善惡異性而遭誅猶金 皆未明外物不可必之理也惡來順紂同孽相濟而 國故血化為碧伍負養弘知事君盡忠而不知逆君 之致福孝已曾多知事親盡孝而不知親嫌而致憂 乎或以仁義為可必夷齊不餓死以知為可必則比 火相守也陰陽錯行則天地大該忠孝被刑則國家 及八十七

暴虐猶水中有火乃焚大槐淮南子云老槐生火是 忠孝之道盡矣 **倭相摩悉怨日職人和焚棄矣忠孝之誠如月暴虐** 陷有為之禍是以憂水而志不得成其心欲高顯於 也忠而諫諍則憂及其臣佞而諂諛則憂及其君皆 傾覆忠孝臣子所當盡也不幸而遇問君頑父逆理 之性如火月固不足以勝之唯價然無心而至順者 天地之間而世道交喪鬱閉屯弱之使無所施用忠 南上底里之母祭改

郵定匹庫全書 属齊口義桀紂之時賢不肖均於被禍是不可必也 甚弘被放歸蜀豹肠而死對人以匱藏其血三年 而 災之火兩陷為人道陰陽螴蜳休惕不安心若懸言 無火相摩而生金本至堅見火而流皆言其不可必 終異也大雷雨之時或焚樹木此皆陰陽錯行而為 亦此類孝已自参皆以孝而害親是不可必也木本 而齊主以明月之藏殺斛律光其血在地去之不滅 化為碧玉晉元帝託連糧不至而殺其臣其血逆柱 卷八十七.

くこうシムー 者不能勝之债然放犯貌道盡天理減盡而後已也 中之和氣也人之天性如月但為物欲熏灼其為月 其繁縛自若鬱悶陷溺利害交戰內熟生火焚蕩育 風所尚非利則名而毀譽樂辱亦隨之有識者知 褚氏管見外重者內輕物得則已失凡世間利名 利之為汙不屑就馬則慕名以自高名之美者無 認以為真殉而忘反以至殺身而弗悟何耶蓋澆 毀譽成敗得失非性命所有者皆外物也而世俗 南華真經義海藻安

金リノロンとと言言 黄喻性中和木之為物紋之得水鑽之得火陰陽 離即水中有火焚槐之時也而後孝聞馬槐色正 有犯顏逆鱗之舉亦豈有刀銘則錢之成哉為臣 教化故也若上古風浮君如標枝民如野鹿則安 過忠孝以其能致君親於無過有足以補國家與 之時也而後忠見馬為子不幸而遇虐父窘逐流 不幸而遇暴君悖理專殺即陰陽錯行雷霆妄發 之性具馬水中有火陽侵陰位至於焚槐則過亢

於思慮沈也於當欲言者物之重所以利害交戰 乎憂患心惶 與而志不成若縣係於天地之間无 乎兩陷謂外而事君奉親內而修身養命皆不逃 陰陽交勝冲和日損客邪乗入無根之木其能久 或得以寇之者物為之界而氣動於中喜怒並毗 生火内攻冲和焚爐而患生馬夫陰陽之運於 太 求解脫處慰字難釋或借從鬱音義頗明白態暋 矣和能不傷乎譬人身由陰陽而生抱冲和而立

くないりには シュ・

南上真理是多一致

金之正是一 烈由於人為也天道惡盈其虧也易衰月不勝火 忠孝之名而虐之者自速於盡則是身不勝暴虐 而復盈明何損馬火之熾也燎原燭天及其薪盡 虚而無形其舒慘之機則隨人喜怒感名而發吁 而虧多盈少出於天理也火之明錐小而然之益 灰土而已世有臣子盡道而遭困陀者乃所以成 人欲盛而天理滅之譬也月盈而虧則有常度虧 人亦至靈矣可不自愛重乎又譬以月之明雖大 卷八十七


久己日臣 八十丁 顧視車轍中有鮒魚馬周問之曰鮒魚來子何為者耶 莊周家貧往貸栗於監河侯侯曰諾我將得已金貸子 三百金可乎莊周忿然作色曰周昨來有中道而呼者 然而道盡債然而道盡已忘而物化之謂也已忘 物化又安有生火焚和之患哉 矣吁忠孝之名臣子之不幸也道德經云六親不 和有孝子國家昏亂有忠臣然則何以處之曰债 之勢而理實勝之猶月之形不勝火而明實勝之 南華真理義海集微

楊而奮譽白波若山海水震為聲侔鬼神憚赫千里任 為大鉤巨鍋五十擔以為餌蹲乎會稽投竿東海旦旦 然活耳君乃言此曾不如早索於我枯魚之肆任公子 魚忿然作色曰吾失我常與我無所處吾得斗升之水 對曰我東海之波臣也君豈有斗升之水而活我哉周 而釣期年不得魚巴而大魚食之奉巨釣陷没而下驚 公子得若魚離而腊之自制河以東蒼梧以北莫不厭 日諸我且南遊吳越之王激西江之水而迎子可子納 金ア人ビェケノーで **竿累搜灌濱守鲵鮒其於得大魚難矣飾小說以干縣** 與經世亦遠矣 若魚者已而後世輕才飘說之徒皆驚而相告也夫揭 令其於大達亦遠矣是以未嘗聞任氏之風俗其不可 吕註莊子貸栗明養生者止於活身而不務有餘任 氏釣魚明經世者志於大成而不期近效 郭註莊子貸栗言當理無小苟其不當雖大何益任 公子章言志趣不同經世之宜各有所適也 南華度照義各縣改

奪好 匹库全書 意將犍牛大魚食之至憚赫十里言存心遠大者所 徒是矣鲵鮒魚之小縣令官之串皆非遠大之所也 喻所得者大天下均被其澤也後世然而相告言存 得雖進而警動天下任公子得魚至無不厭若魚者 魚之急也任國之公子為巨鉤大鍋有與事造業之 金則後時而無及矣故申以轍魚之喻言侯不知鮒 疑獨註濟人之急必及其時若監侯之諾莊子以色 心遠大者得志於天下傳名於後世古伊尹太公之

大きのところう 一 属齊口義邑金采邑之租金波臣猶水官常與常時 事務者聞此風俗特異驚而相告蓋喻淺學之徒不 綸是矣縣 高也謂高名令聞 鉤大鍋而得大魚於养年之後世之輕量人材諷說 所安處夫衣人在寒食人在饑激江水以迎轍魚不 亦晚乎投虎千金不如一異肩之謂也任公子為巨 碧虛註常與謂相親者魚水常相親今失之矣故無 可與論經世大業也年界年所謂判樣之年頭緣之 南華真經義海暴改

得幾何俗字屬下句言世俗之士 猶賞格言飾小說以干上求合其所示之令格之能 相與者軽才搖量諷說猶塗說累小絕縣揭之號令 颇難 釋諸解界之獨碧虚云吳越水聚之地王猶 監河侯說苑作魏文侯予舊音去群義當是吁字 論亦未通詳義考文粗得其意王字元應是上誤 江海為百谷王張君本校本遊下加說字去聲 去聲數也鮒鰿魚波臣舊註波蕩之臣吳越之王 各ハナセ くこうここころ 責以朝夕之效及手涵養成就見之設施澤及萬 四字誤筆重出縣平聲高名令聞之說為優 物豈止削河來落梧北而已哉鮒魚下忿然作色 字為冗出於誤筆此言人之守道久而見功不可 喻所操者大則其得必豐界當作緣給也風下俗 望監河侯之邑金何足以齊目前之急大釣巨緇 在水不可須與離尚失道於身而欲假之於外類 加首畫耳說頗簡明此段大意謂人處道中如魚 南華真照義母暴致



次定四年入書 改生不布施死何含珠為接其鬚摩其顏儒以金推控 儒以詩禮發家大儒臚傳曰東方作矣事之何若小儒 其頤徐別其頰無傷口中珠 日未解裙襦口中有珠诗固有之日青青之多生於陵 欽定四庫全書 南華真經義海暴微卷八十 雜篇外物第二 南非真經義海蒙做 宋 褚伯秀 撰

冢之心充之以至於竊國不可不謹也數 者資之以發冢由詩禮之迹充之以至於仁義由發 於發家猶舉逸詩以諷亡者東證口中有珠宜取之 疑獨註先王之世已遠儒者有資其迹以為盗而至 吕註小人之儒資先王之言以濟其不義何以異此 也夫仁義之迹大故資之以竊國詩書之迹小故儒 者乃有用之以為姦則迹不足恃也 郭註詩禮先王之陳迹也尚非其人道不虚行故儒 私ハナへ 久のりましてう 一 青之麥二句賦墓田下二句機富貴古追詩也接其 屬齊口義此喻當時遊說之士借聖賢之言以文其! 姦者自上語下曰爐爐傳者大偶為首而告其下青 多藏必厚亡老氏之深成 不抵夷齊之冢必發染紂之墓者盖有以致之是故 子少而小人多故聖迹之利天下少而害天下多大盗 碧虚註詩以導志禮以尊事皆垂訓以異扶治道者 也君子則恃詩禮以修身小人則誦詩禮以為盗君 南非真經表海集做

会ろししつ 赞而下教其取古珠而無損也 詩禮之於天下所以正治道而防其流與法並行 使人有所與立也聖人世不常有故其為愿也深 資其迹以為姦者至於發眾而不恤則非獨害及 猶舉詩語以諷可謂為所不當為用所不當用 生民死者亦不得安於泉下其流毒可勝道哉而 而法可除聖人之心如此而也奈何季世薄俗有 思有以盡草天下之弊出於禮必入於法合於禮

老菜之弟子出新遇仲尼反以告日有人於彼修上而 趨下末樓而後耳視若營四海不知其谁氏之子老菜 詩禮所當為盡偶行所當盡又將以示時俗厚葬 豈小補哉 之成起後世淳朴之風一舉網而眾目張於治道 此章非無為而言盖欲詠其心而正其教使之為 致意馬至若魯號多儒及竅其實而儒者一人則 也南華憫世真切而無所効其力遂旁譬曲喻以 りましたころすんと

事以每成功奈何哉其載馬終於爾 乎老菜子曰夫不忍一世之傷而驚萬世之患抑固宴 子曰是丘也名而來仲尼至曰丘去汝躬於與汝容知 **多定匹庫全書** 而閉其所譽及無非傷也動無非邪也聖人躊躇以與 馬耳相引以名相結以隱與其譽堯而非然不如兩忘 邪亡其界弗及邪惠以散為驚終身之醜中民之行進 斯為君子矣仲尼稱而退魔然改容而問曰業可得進 郭註長上促下耳却後而來倭視之偶然似營他

那有也 吕註老子孔子初無間然世之學孔子者泥迹而不 為患直任之則民性不宴而皆自有界無不及之事 静之則正事不遠本故其功每成於不可載故遗而 言其易進則不可妄惠之隱括進之謂也順之則全 惠之而散者無惠則聽惠不可長故一惠終身聽也 事者謂其能遺形去知故以為君子揖而退受其言 也設問令老菜明其不可進一世為之則其迹萬世 一十里里克夫人

多定匹庫全書 名相結以隱者此中民之行進馬耳沉體道君子其 得其心故莊子有是論自修上促下至誰氏之子以 為以收之是舊萬世之患也置富有之業因宴耶将 愚者夫大亂生於堯舜之間今不恐一世之傷而有 可若是子盖不能絕棄聖知兩忘善惡皆舊萬世之 以散樂為舊終身之配猶且有所不為至有相引以 亡其謀而有不及耶言皆不在是也大惠非大知然 貌求聖人者也躬於躬行而於之谷知則非盛德若

飲之四事全事 尚華真經義海暴做 **隣躊躇之謂也奈何載而有之以為非於不可得也** 言廣見無私躬於容知謂未能無經世之迹業可得 疑獨註末角背倭個然耳後貴人之相視若營四海 無非邪安有可責而譽之哉豫若冬涉川猶若畏四 患者也道無不為而反馬則無非傷無為而動馬則 為之以救當時而後世資其迹以為害以聖迹治世 俗使人凌辱至於固随貧窮又忘其簡易之理而不 進進於道也夫仁義聖知者聖人不恐一世受害故

無是亦無非矣人之性及則傷順之則全動則邪静 充已欲二者皆有所偏所以為中民相忘而閉所譽 則不達也孔子載道以行當時中有於色故老來告 引謂趨名相結謂樂隱趨名所以同民患樂隱所以 之則上達何必惠馬惠者小人所懷故君子不取相 及真道也惠之而數者無惠則醜中民性可上下進 之則正躊躇不遽故能順性命之理而每成功欲速

為則不敢復詢仲尼思聘追難守道堅固致此貪宴 磐何有順世者不逆故自全静應者不撓故自正聖 之所配也中士之性易誘世治則援引就名世亂則 去之一世之傷數也各容則茍免萬世之患迹也驕 碧虚註躬矜謂其欲明污容知謂其將驚愚故皆令 交結退隱仲尼述作皆美堯而惡桀若冺絕聖迹毀 耶或亡其謀畧事業弗逮耶以惠為悅而虧物聖人 從容行道功業自成成猶不居況不成予忘言則

火三日本にす 一

南華真經義海蔡微

既 結皆庸人所為堯桀兩忘則無毀譽矣及謂背自結 属齊口義末做也言背做曲視若管四海即為目以 每每成功汝奈何以矜持之志自負耶 憂世躬於汝身矜持之行容知外節之思慮然同做汝 無累紀則於名也 理動而弗静無非邪僻聖人不得已而後應所以 老菜弟子形容夫子狀貌見於三語末句似得聖 如此是宜窮也以名而相汲引以隱蔽之計相交

2.27... 為惠之心形見於外而不可掩耶盖機夫子建建 遊聘徒自困其形神是馳為終身之配庸民之行 窮窶輕於用世耶或無謀而慮弗及此耶何数於 患故令去之驚一作為為憂言不恐一時之患為 此躬於謂全身是誘雅容騎色知多謀皆足以名 仁義以致之後世殉迹成弊馳鶩而不止也抑固 中子之語相類而其父已知之聖賢心通神會若 人之心非具絕塵眼未易道此與関史仇璋狀文 南華真理義海暴做

金好四人在 禁由此而生若兩忘非譽堯祭異辯哉反謂反前 負其能終不免於於也夫子之與老菜猶出為堯 是以聖人待時而動徐以與事每有成功奈何自 要譽者耳非實贬之也 而隱為由南華寓言以警世之不知時而強為以 内無定見喜譽惡致者則隨物趨舍於行為邪也 所言不能兩忘者則愛惡存讓與物皆傷也動謂 進於此耳進則相引以名退則相結以隱譽竟非

疑卜之日殺龜以卜吉乃豹龜七十二對而無道策仲 神龜也君曰漁者有余且乎左右曰有君曰令余且會 宋元君夜半夢人被髮閥阿門曰予自宰路之淵為清 尼日神龜能見夢於元君而不能避余且之網知能七 圆五尺君曰獻若之龜龜至君再欲殺之再欲活之心 江使河伯之所漁者余且得予元君覺使人占之曰此 **くこうこうこ** 十二鐵而無遺策不能避到腸之患如是則知有所 明日余且朝君曰漁何得對曰且之網得白龜馬其 南華真照義海暴版

能言與能言者處也 神有所不及也雖有至知萬人謀之魚不畏網而畏竊 鵝去小知而大知明去善而自善矣嬰兒生無石師而 於外者為全不用其知而用眾謀猶網無情故得魚 小知自私大知任物去善則無所暴無所慕則不騎 吕註龜有知而不得免患有神而不能避網是為有 而自善汎然無習而自能非政而學彼也 註神之不足恃也如此唯静然居其所能而不營 所因神有所不及矣夫聖人者聚眾之善并天下之 萬人謀之寡不勝眾其情得矣魚不畏網而畏鶇媽 疑獨註善知人之古凶龜之知也刻而不喪其靈龜 之而與天下之民處其能使之不知乎 善則治國者何以知為哉嬰兒無石師而能言哉以 鵜鵝有知網無知也故去小知而大知明去善而自 之神也然而不逃余且之網不免元君之死是知有 所因有所不及為道者所以絕聖棄知也雖有至知

東京日車会事

南華真經養海暴微

之哉 碧虚註龜卜七十二兆八九之數故關子明易傳以 出天性嬰兒無師而能言漸染而不覺豈用知以求 不畏網而畏鵜鵝去小知則知周萬物去小善則善 知所以謂之至知也凡無情於物然後能得物故魚 困神有所不及也衆忌多知魚畏有心能去知人 旦而莫逃問組之難靈於彼必味於此是謂知有 七十二為歷法蟾蜍降兵而不免仲夏之殺鷄鳴将 1716 久とりとこんかう 慮齊口義阿門山側之門名之以知則有窮時人有 至知者直能勝萬人之謀鵜鵝有心害魚非網比也 是非而利害生馬 道矣嬰兒淳朴漸散與能言者處也既能言矣分别 明矣去吾為善自名之意則善自歸之石同碩碩大 我有心彼亦有心能去其小知而付之自然則大 知而養自知之明去離道之善而保自全之善則近 一師能教人嬰兒不徒教而能言皆自然之喻 • 南華真經義海暴微 土

金りし 其神其知有時而窮皆不足恃者不為清江使 宰路湖名神龜所居為清江使河伯之所則以 曳尾於塗中以全無知之知不神之神斯為至知 言其材美上符天候然而入網莫逃刳腸不免者 圆五尺配五行也上殺龜而吉明兆不為已私雖 不利於已而能者靈於人也七十二對而無遺矣 而見役兼由清入濁所以不免乎患猶能見夢於 元君則其神靈未泯也龜陰物而介色白應物 人と言 No. 而 知 其

當去自己小暗之知而取衆謀以為知則大明而 言者處久而俱化不知所以然而然也 周物是以去已善而天下之善歸之如嬰兒與能 鶇媽之於魚非若網之無心而可避也欲避患者 東人之謀得以勝之而不敢全恃東知謀之無異 至神矣又何有網署之憂哉此章與史記龜策傳 相 類但彼作漁者豫且即此人是故有至知者應

炎定四車全書

南華真經養海茶機

Para Citica de la	a Michigan and Manager	and the second of more	Committee to the party of the second
南華真經義海暴微卷八十			\frac{1}{2}
シハナハ			巻ハナハ

久三日五百日 無用之為用也明矣莊子曰人有能遊且得不遊子人 而墊之致黃泉人尚有用乎惠子曰無用莊子曰然則 矣夫天地非不廣且大也人之所用容足耳然則風足 惠子謂莊子曰子言無用莊子曰知無用始可與言用 欽定四庫全書 南華真經義海纂微卷八十九 雜篇外物第三 南華真親義海暴微 宋 褚伯秀 撰

教不學承意不彼 能不波唯至人乃能遊於世而不僻順人而不失已彼 イニンビ 而早令學者之流也且以稀幸氏之流觀令之世夫孰 臣時也易世而無以相賤故曰至人不流行馬夫尊古 知厚德之任與覆墜而不及火馳而不顧雖相與為若 而不能遊且得遊乎夫流通之志决絕之行隱其非至 則事通外明則內用相須之理然也性之所能不得 註聖應其內當事而發已言其外以暢事情情暢

ひます

尊古早今失其原矣隨時因物乃平派也當時應務 不知所以得也德非至厚則莫能任其志行而信其 吕註世情以有知有能者為有用無知無能者為無 所以為大齊同唯所遇而因之故能與化俱而學者 殊能人之所好不避是非死生以之易世無以相賤 不為性所不能不可強為唯莫之制則同寫皆得而 自然承而用之則萬物各全其我矣 所在為正本無我我何失馬教因彼性故非學彼意

文とのをしたす 一

南華真經義海暴微

雖欲不遊不可得也人而不得道雖欲避之不可得 非至知厚德之任盖蔽於一曲以至覆墜火馳而不 若是而已得道者物無非道則物物皆遊物物皆觀 也流通之志因俗而為果决絕之行離世而為高皆 物皆觀此我之所謂遊我之所謂觀也莊子之遊亦 世所謂知能有用者其小易啻容足之於地耶列子 用而不知無用者乃為有用者自出也自道觀之則 云至遊者不知所適至觀者不知所視物物皆遊物 巻ハナル

をプレイノー

當於道則一也有至知厚德者卑不為流通高不為 顧則雖相與為君臣亦時而已易世無以相賤其不 通天下之意則彼是生矣達其意而承之何彼之有 順人而內不失已因於彼而教之非學也達其意而 平而不放乎唯至人乃能遊世而不為解異之行外 决絕唯道之從而已故至人不流行無轍迹也若尊 承之不彼也所教者彼之所有非教以所無也不能 古而甲今則以韋豨氏之流觀今世澆薄其心孰能

文三日草へいる

南華真經義海蔡微

者有行有止而自在者也人皆有自在之性有能有 則無用之為用明矣逍遙遊論大樗大於皆此意遊 無用告以知無用而始可與言用譬行地雖至廣人 疑獨註有用之用器也無用之用道也器有極其用 此至人之所遊也 之所用容足耳足外若無餘地恐墊弱而不敢行然 小道無窮其用大莊子論道其言浩博故惠子疑其 不能者在學與不學之間學而至於反本則能遊矣 各ハナル 次記四車全書 見 於天性故能順物而不失已彼來則教之未嘗有事 前觀今之世孰不為風波之民惟至人隨世而遊出 **賤哉至人唯變所適遇則因之不留行馬以三皇已** 靈氣覆墜心情火馳雖與為君臣時適然耳何貴何 者防患而不進决者果於動絕者滅其跡皆滞於 蔽雖日務外觀亦不能自在矣流者逐物而不返過 雖不務外觀亦無不自在此能遊也不學而為物所 偏以之為知則有所不知以之為德則有所不載故 南華真經義海蒙微

果决卓絕之行刻意以為高亢皆非至知厚德所因 安得使之遊子世人不知分量妄役流荡適逃之志 碧虚註人以履蹈之外為無用之地若掘之墊下至 性自然也安得使不避乎不能遊學於道亦性自然 空地斯能蕃茂則無用之為用明矣人能遊學於道 於黃泉獨存容足地則不能跬步矣譬之種植必多 為嬰兒亦與之為嬰兒是也 於學承彼之意而從之不以彼為彼也內篇曰彼且 火足り巨之ち 一 属齊口義墊掘也若容足之外皆深淵則不可行故 全於世此之謂能遊 者至人則隨世污隆外應物而內全真彼之所教我 貴賤哉唯至人出處有道各行其志而學者貴遠忽 各務所趨而不及顧在時所尚通為君臣而已何分 者世道不必學也然亦承其意而不彼外之所以得 近其弊已久以上古聖賢觀今之世無不波蕩失性 任也覆墜謂不遊學而廢業火馳謂若避學而進益 尚華真經義海暴做

為也覆墜陷渦世故火馳奔逐利名此皆不能自反 若以上古觀今日則皆為波蕩失性者矣遊世而不 者雖時間有君臣貴賤之分身沒何有唯至人所行 不達流通逐物次絕自異至知厚德修自然之人任 曰無用之用遊者自樂之意有能有不能喻有達有 所存彼之所教自以為是我因不學之亦順承其意 與世無留戀以古今為一學者尊古甲令不知世變 解則不以古今為是非順人不失已外混世而內有

とこのらんたり 而無彼我之分此即齊物論因是之意 刻属為九而不自適則視人世影錢陷阱如至於 盖謂時俗逐物而流通者多否則又為决絕之行 利以求慰其心雖一時有君臣之分若易此一時 負石自沉抱木幡死者有之何望乎逍遥遊哉故 道之士能之能之者不得不遊不能者不可强也 皆非至知厚德者之所因任類多顛覆奔馳於名 遊者逍遥自適於無用之地以全已之大用唯達 南非真經養每集故

クラングログクラー 為解異之行順人不失已以衆心為心而我心得 則無以相貴賤唯道為天下貴悖道則無以取重 矣是謂及今成古何尊何果仲尼答舟求以古猶 古觀今之世孰不為波蕩之人忘古今遊世而不 反今為古豈貴耳賤目妄有尊甲分别哉且以上 地之一氣耳古往今來乃其常理我能轉物則可 於世也故至人聽物流行而不過與之同遊乎天 今也即此意是以人來學者因彼性而教之不强 卷八十九

徹為德凡道不欲壅壅則哽吸而不止則珍珍則泉害 目 敬為明耳徹為 聽鼻微為頭口徹為甘心徹為知知 於道又能與物同遊所以貫百王於一道參萬世 樂黃帝老朋之道也此言至人應世非唯能自遊 相處千萬人無異合堂同席於漆園夫子之門而 古今物我同遊一天雖相後千萬年相去千萬里 而成純者也 其所不能承彼意而順之不以彼為異也如是則 为二二八里 北南北於

争柴生乎守官事果乎衆宜春雨日時草木怒生銚縣 銀定四月全書 於是子始修草木之倒植者過半而不知其然 婦姑勃谿心無天遊則六鑿相攘大林丘山之善於人 無降人則顧塞其實胞有重閱心有天遊室無空虚則 也亦神者不勝德盜子名名溢子暴謀稽子說知出子 生物之有知者恃息其不敗非天之罪天之穿之日夜 知亦不恃息殷當也息不由知由知然後失當失當 註當通而塞則理有不泄而相騰踐凡根生者無

(1) (1) Oral Little 美於德急而後考其謀平往則無用知柴塞也東 吕註人之耳目鼻口不為聲色臭味所壅則為聰明 發故不覺也 関空曠遊不係勃勢争處攘逆也自然之理有寄物 而通者夫名高則利深故修德者過其當禁暴則名 之所宜者不一故官事立事物之生皆有由事由理 人非不得已之符也天理有常連無情任天實乃開 而後不通故知恃息息不恃知然知欲之用制之曰 南華真經義海集做

金万正五八百百 去則死息之出入隨子午以消長循陰陽而左右與 未始有降人顧以聲色臭味塞其實而不使之通所 得失文戰於自中幾何而不至於珍此陰陽之忠所 為顫甘為知德壅則哽而不通不通之甚則相蹂踐 視則天和將至是以胞有重関周固生白而邪穢不 以降而不殷也人能恬淡虚無則真氣從之正形 元氣交通無日不然則是天之穿而通之日夜均平 以作泉害之所以生也凡物之有知者息存則生息 冬八十

德不德故無名有名則德之益暴之而不藏又名之 益也則謀不得不稽乎 敬知不得不出乎争策不得 虚以異乎尊卑否則好濱而勃谿矣心必有天遊以 足撓心其神足以勝之也異以大林丘山為善哉上 心知也人誠知所謂天遊則雖逃乎人間世萬物無 出乎塵垢否則六鑿珍而相攘矣六鑿即耳目鼻口 能侵心有天遊逍遥無為而事物不能撓室必有空 不生乎守此所以成實乎眾宜聲色臭味柴其外思

アイスンロード といたら

南華真經義海幕故

金とせんべる 内視反聽以至鼻口心知皆內求諸已然後六根解 所不顫甘無所不知無入不自得此之謂反本故能 之於未亂無若草木怒生而鈍好始修也 **慮知謀柴其內而不能相通也夫為道者之治心** 冲氣之往來本由於心而鼻其所自也前言六者貴 相陵賤而害衆矣夫生物之有知者以息為主息者 脱泉塵不染於此所以入道六者不徹則為物所壅 獨註徹者通而無累六者皆徹則無所不聰明無 治

文之马子公号 1 奪此所以害生若能心虚則死生驚懼不入於中無 不虚則尊早競争心者泉好所攻中不虚則六鑿攘 氣液天避喻心虚無係道生其中室者婦姑共處中 往而非適也大林丘山神之所寄故善於人人知山 天之罪自然之理通穿萬物畫夜不息無降殺也而 徹息則六者之主人之好惡不中者盖有物塞之非 林之善而不知有神者主之神之寄於山林猶自然 人自以六物反塞其實耳肥有重空乃能容五統通 南華真經義海暴做

達則怒農器於是守始修則倒植者過半凡物倒植 則無生理當春則倒者亦植造物所為不知其然也 此皆言順自然之理 合子東宜則果於成矣春雨之時草木衝地而生未 之器謀欲速故出於說知好勝故出乎争柴謂眾好 之理寄於心也德者性之自得名生則德盜德盜則 內實故生乎守皆非自然者也泉所宜者不一官事 人不好德而好名争名則暴矣說者言之急争者凶

則婦姑反戾心礙則欲惡紛紅是故茂林為丘山之 有重関也心中有竅謂之天府神遊息於其間室監 結滞神明何所託哉身內有丹田三宮金堂玉室胞 弱者由欲惡之孽所致非天之罪也元氣贯通萬物 矣凡動物有知者皆恃息而生其六根雞関而氣息 碧虚註人能收視反聽納息漱液虚中藏用則六事 俱徹妙極無加不然則哽礙騰踐上下錯亂諸疾作 人之竅穴畫夜升降與之無窮乃為皆欲所室空竅

久己つころ

南華真經我海暴做

属齊口義得自然之理而大通徹則耳目之所視聽 為真聰明鼻口之所嗅當為真頭甘心所知為真知 **鳟起泉人逆道以求生猶草木及根而欲秀也** 自殉德形則名知顯而暴静興春澤則草木生而鈍 麥者虧德志暴者損名謀貴深静稽乎誠急則淺 陋 美林代則氣象損奇才為士人之美才役則精神耗名 自保守免為物所害也官事果乎衆宜在私則决乎 矣智當晦藏出子争則與物就矣若能柴立不移而 1171

久色日本公子 题 於形迹而衆害生也息猶生生之謂性人皆有之有 德為真德矣哽謂不通於者足迹人見道有礙則 至於不當理者宣天斯之耶天理之在人身日夜發 此受生之性而後有此知覺所以知覺恃此息也或 見人以物欲自塞其心竅耳胞膜空曠心君主之以 不能存自然之神以勝物欲故也求名利則德性夢 天理自適謂之天遊室窄而婦姑争關喻心散盡則 根相攘矣大林丘山人見而善者平日耳目監常 南華真殺我海暴做

為耕種計不得不然蓋生者自生族者自拔草木去 草木怒生人修田器以銀拔之宣有心於戕草木哉 意急而後精於知謀有争競而後知謀所出守執不 是而觀得喪生死皆當聽其自然自德溢而下皆容 之弊此言痴兒欲了官事官事不可了也春雨至而 溢性暴急則名亦蕩溢言併與名失之遊同 而所種之物又生便是其成也毀也其致也成也 化而後有柴更不樂之意求眾事之宜者固執不通 1. ... ř ķ 此有 H

次定日車全島 題 心之失能無容心則有天遊矣 養生之家正主此論但不能培養其源本而有所作 **苟無德以貴之則五者俱壅關竅哽盡物欲騰踐** 耳目鼻口心能通而無係者皆由知徹為德所致 物無時体歇其有衰殺者人自以六物及塞其實 為以壅関之則非與天地元氣流通之道贯穿萬 為害多矣夫生物之有息所以通一身之氣交天 地之和升降而滋樂之故經久不表當老益壯今 南華真經茂冷暴故

室與心有主之者外物安得而撓動战大林丘山 有五藏之空以行氣液天遊謂心中能虚則無往 命者也胞謂腔子重閱謂此身從空而有身內又 我欣欣樂木里也哀人繼之大化密移理之必至 不適也室不虚則尊早初戾心不虚則欲惡凌奪否 耳動物情乎息植物情子根皆受氣之所倚以為 心必喜之此乃神不勝物及為所勝山林阜壞使 之善於人以平日所見隱陋忽觀虛曠高明之境

前六者皆徹而無私則其視聽嗅書思應與天下 名公器不可多取故名之出為德之失有名而暴 豈真樂哉盖外有慕則內虧重於彼則輕此矣夫 而無變執一已之私若官事則務在衆宜衆宜謂 之又名之失也二者俱失急思所以為謀則知出 轉物故也然則物之善人也豈真善人之樂物也 唯至人不假物而樂故不因化而哀化在我而能 而争興此衆害生之驗及有能守者又病在柴塞

南第二人民分二人民

金厂里人人会 南華真經義海纂微卷八十九 過農器於是乎始修言治之不早草木雖拔得雨再 殷則所以扶衛而補續之者宣無其道哉要在知 思之顫順珍風 其時而已此又南華密示養生之秘古學者宜深 生時使之然人莫知也人之命在息而使之降而不 共否則當欲紛起如春雨日時草木怒生而不可 巻へ十九 嘗過而問馬君子所以鹹國賢人未嘗過而問馬小 職天下神人未當過而問馬賢人之所以職世聖人未 勞者之務也非供者之所未當過而問馬聖人之所以 静然可以補病皆城可以休老寧可以止遽雖然若是 欽定四庫全書 南華真經義海繁微卷九十 雑篇外物第四 宋 猪伯秀 撰

言吾安得大忘言之人而與之言哉 與務光務光怒之紀他聞之帥弟子而跋於竅水諸侯弔 之三年申徒狄因以路河签者所以在魚得魚而忘签 官師其黨人毀而死者半堯與許由天下許由此之湯 蹄者所以在兔得兔而忘蹄言者所以在意得意而忘 所以合時君子未當過而問馬演門有親死者以善致爵為 勞故佚者超然不顧神人言其內聖人言其外趣舍 郭註補病体老止遽非不病不老不遽也若是猶有

多定匹庫全書

くこしていたい 言也 有德而後有俠俠者神聖之所兼也孔老同生於周 揃未當處安用減未當擾安用軍此所以不問也唯 言之所以息其勢佚者未嘗動安用静未嘗繁安用 有静繁而後有揃熾而後有城擾而後有寧為勞者 吕註静然至止遽古之道術有在於是雖然動而後 也其波荡傷性遂至於路河失兩聖之意乃都無所 各有分萬下各有等慕賞而孝去真遠矣尚賢之過 南華真經夜海暴改

金定四峰在書 得其言而脉其所以言故引此二者卒之以筌蹄之喻 謀也神人聖人不同者迹賢人君子不同者才君子 菜子又作剪减静點補病非不病也休老止遽皆出 疑獨註然當是點字之誤皆减謂剪齊須髮以滅老 伴學者忘言以求其意也 由之逃其徒至於路河殉迹之弊至此莊子恐後世 小人則有義利之分也官師之勸其黨至於毀死許 莊孟俱遊於梁而其言未嘗相及者道不同不相為 No. 卷九十

而無不為也許由務光古之無為者逃免湯而去之 殉迹之弊聖人雖有治天下之迹本出於無為無為 為官師鄉人慕之強哭訴毀至於城性而死者半此 門宋城門其地有親死而善毀者宋君嘉其孝爵之 國之事小人則君子之反也故皆未嘗過而問馬演 取也聖人者神人之緒餘有為天下之功賢人者聖 人為而非自然是勞者之務故供者未嘗問馬驗猶 人之德業有治天下之效君子者賢人之名迹有治

火三司至 (MAS)

南華真經戒海蒙微

年クレノ 令見光分明是檢眼神之道久為之見百靈老形之 嬰寧以止遠未可以及心真語云時以手按目四皆 見其未能無不為紀他中徒秋則尤甚者也筌蹄之 碧虚註静然補病未可以完神皆滅休老未可以選 尚行義乃聖人之餘事君子貴循理乃賢人之塵垢 務故供者超然不顧聖人則有名神人則無迹賢人 兆發於目皆披城敏紋可以沐浴老容雖然夢者之 喻義不待釋

I I a. I Deat Like 属齊口義心能安静則向之失者可以補全剪減物 其索隱探微之士奚用巧事於談說乎 荃蹄可忘悟道妙則言教頓含漁獵之夫尚不虚飾 家路河為失真性皆刻意尚行好名之過發魚鬼則 強哭傷性由殉外失真係禄之深也紀他申徒又蹲 後複先病後廖故曰勞者之務若安逸之人宵中本 欲可以優游至老寧其身心可止遽急此皆言失而 小人事茍且乃君子之赘疣也演門黨人哀毀過禮 南華真經義海藻做

盡了却以筌蹄之語結末與前篇言而足言而不足 静則不問及此非佚者之所有事驗同驗聖人所以 後申徒又慕隱名路河而死此極言好名之過既說 水蹲有都薄意亦欲諸侯以國讓之此已可笑三年 則無此矣演門有善致而得爵者鄉人慕之蹲於家 體格一同 仁義治天下是駭之也神人則無此賢者以盛德駭 世君子以聲名駭國小人營營求合一時但高一著

してしりき ととう 事故過而弗問神人之於聖人聖人之於賢賢之 於君子亦若是僕求合於時則去君子遠矣此皆 同歸於善而止耳賊同敗德充符惡駭天下崔本 化雖不同而其言未嘗相訾不過開人心資治道 化則等而上之可改及也故凡物之在外者聖人 以大觀小其德量有以包含之而不復問卒使自 補病体老止遽皆勞損於前而後求復非供者之 以不必必之然後涉世而無患所以三教聖人設 南華真經義海蒙敗

金ノロルノニー 係乎物故不可必在內者由乎我求則得之而世 感夫忠孝立身之善行猶不能必君親之知以在 忘言之人而與之言言忘而意可得矣 作駴可照演門善毀黨人慕之遂忘死許由逃堯 人多務外求求而不得怨尤至矣故建言以破其 是篇首論內外之輕重以明物我之親疎在外者 之無異指筌蹄而求魚鬼何感之甚耶故南華思 申徒慕之遂路河是皆認迹以為真併已之真失

禁傷化有所不恤及不若下愚不學者之猶有忌 憚而安予定分也是皆原乎上之人以聖智治民 發家取珠其初學未必不正及為物欲所選則冒 鄙小說之非則明道當存大儒者做詩習禮乃或 貸栗而申粮魚之喻則惠物在及時任公垂釣而 失惟價然無為間與道合斯可逃乎兩陷也莊子 之内無非道悟之則全性命之外無非物必之者 内求其在外故也况以外求外者乎由是知性命

改定日車全書 一

南華真輕義海集散

皆寓言此稱莊子曰正當篇本旨使學者超外物 知之無患也次以知無用而始可以言用其義互 神而不知有不神之神盖喻恃知以脫忠不若忘 相發明至論人有能遊調遊心於淡遊在內也前 民自化之意白龜能見夢而不能逃網則神不自 之界進虚通之城神融意通無所不之則道幾矣 於老菜仲尼以兩忘非察世患自息即我無為而 之過久則姦民之雄者併聖知而竊之矣復寓言

者不免務外而已繼又海以身貴六徹則道不欲 顧雖聖人後出來如知何間有樂於遊者不過以 世習愈下往往遊所不當遊至於火馳覆墜而不 贵卓絕之行是以下立深修之名本欲礪世與教 遊故勞者之務佚者不問猶君子賢聖之有差等 壅有知恃息則人當貴虚室虚白生無往而非天 江海為閒山林為善而放蕩終身馬此遊世而僻 也至於演門因毀爵申徒逃湯而致路河皆由上

欽定四車全書

南華真經長海暴微

南華真經義海篆微卷九十 言亦外傷也然而非指無以見月故立言君子不 而不知傷生害俗也故舉以為後世監夫以行觀 憚於該該在學者善求其要而已矣